

UPUTSTVO

O NAČINU IZRADE, ČUVANJA, VOĐENJA EVIDENCIJE I UNIŠTAVANJA PEČATA INSTITUCIJA BOSNE I HERCEGOVINE

Član 1.

Ovim uputstvom utvrđuje se način izrade, čuvanja, vođenja evidencije i uništavanja pečata institucija Bosne i Hercegovine.

Član 2.

Izradu pečata institucija Bosne i Hercegovine rješenjem odobrava Ministarstvo pravde.

Član 3.

Pečati institucija Bosne i Hercegovine u pogledu sadržaja izrađuju se u skladu sa članom 3. Zakona o pečatu institucija Bosne i Hercegovine, s tim što se kod diplomatsko-konzularnog predstavništva Bosne i Hercegovine sadržaj pečata ispisuje i na jeziku i pismu zemlje prijema.

Član 4.

Izradu pečata institucija Bosne i Hercegovine vrši pečatoreznica koju rješenjem ovlasti ministar pravde.

Član 5.

Ovlaštena pečatoreznica dužna je da izrađuje pečate institucija Bosne i Hercegovine, u skladu sa rješenjem Ministarstva pravde.

Član 6.

Ovlaštena pečatoreznica dužna je nakon izrade pečata i predaje ovlaštenom licu institucija Bosne i Hercegovine odmah uništiti sve matrice i probne primjerke.

Član 7.

Izrađene pečate prije upotrebe naručilac dostavlja Ministarstvu pravde radi evidentiranja.

Član 8.

O čuvanju pečata stara se funkcioner koji rukovodi institucijom Bosne i Hercegovine.

Član 9.

Evidenciju o pečatima institucija Bosne i Hercegovine vodi Ministarstvo pravde u vidu knjige.

Knjiga evidencije o pečatima sadrži: redni broj, broj i datum rješenja o odobravanju izrade pečata, otisak izrađenog pečata, razlog prestanka upotrebe pečata, zapisnik o uništenju, dokaz o oglašavanju pečata nestalim u "Službenom glasniku BiH" i datum prestanka upotrebe pečata.

Član 10.

Uništavanje dotrajalih i neupotrebljivih pečata institucija Bosne i Hercegovine vrši komisija koju posebnim rješenjem formira ministar pravde.

Zahtjev kojim se pečati dostavljaju radi uništavanja treba da sadrži: broj primjeraka pečata, njihove otiske i razloge zbog kojeg se pečati dostavljaju na uništenje.

Nestali pečati oglašavaju se u "Službenom glasniku BiH", odmah po nestanku pečata.

Član 11.

Danom stupanja na snagu ovog uputstva prestaje da važi Uputstvo o načinu izrade, čuvanja, vođenja evidencije i uništavanja pečata institucija Bosne i Hercegovine ("Službeni glasnik BiH", broj 22/98).

Član 12.

Ovo uputstvo stupa na snagu danom objavljivanja u "Službenom glasniku BiH".